

萬有文庫

第一集一千種

王雲五主編

俄國現代史

查良鑑著

商務印書館發行

2
30

江蘇工業學院圖書館
第一集
章書藏

總編者
王雲五

商務印書館發行

編主五雲王
庫文有萬

種千一集一第

史代現國俄

著鑑良查

路山寶海上
館書印務商

者刷印兼行發

埠各及海上
館書印務商

所行發

版初月四年九十國民華中

究必印翻權作著有書此

The Complete Library

Edited by

Y. W. WONG

CONTEMPORARY HISTORY OF RUSSIA

By

CHA LIANG CHIEN

THE COMMERCIAL PRESS, LTD.

Shanghai, China

1930

All Rights Reserved

俄國現代史

目錄

第一章 俄國現代史之背景

第一節 俄羅斯帝國之建設……………一

第二節 彼得大帝……………五

第三節 彼得死後之政治……………八

第二章 十九世紀之回顧

第一節 專制政治之改革及其恢復……………一一

第二節 佃奴之釋放……………一六

第三節 政治維新及革命運動·····	二〇
--------------------	----

第三章 歐戰前之政治及工業革命

第一節 獨裁政治之維持·····	二四
第二節 十九世紀末葉之俄帝國·····	二九
第三節 俄帝之野心·····	三二
第四節 工業革命及其影響·····	三六

第四章 遠東政策與日俄戰爭

第一節 俄羅斯與近東·····	四二
第二節 視爲轉機之遠東政策·····	四四
第三節 日俄戰爭·····	五一

第五章 一九〇四年後之解放運動

第一節 日俄戰爭以後……………五六

第二節 國會之權限及其產生……………六四

第六章 歐戰與俄羅斯大革命

第一節 俄奧交惡及其影響……………七四

第二節 俄羅斯參戰……………七九

第三節 戰時之內政與三月革命……………八三

第七章 革命後之俄羅斯

第一節 臨時政府下之俄羅斯……………八九

第二節 第二次大革命……………九五

第三節 共產黨專政·····	九九
----------------	----

第八章 建設中之蘇俄

第一節 革命政府之設施·····	一〇四
------------------	-----

第二節 蘇聯與世界·····	一二
----------------	----

附錄

俄羅斯大事記·····	一二三
-------------	-----

參考書目

俄國現代史

第一章 俄國現代史之背景

第一節 俄羅斯帝國之建設

俄羅斯之版圖 俄羅斯位於歐洲之東北，亞洲之西北，幅員廣大，人口衆多，固世界上之一大國家也。其疆域北臨北冰洋，西濱波羅的海，南至黑海與裏海，東以烏拉嶺界於亞細亞。屬地可分三部：曰西伯利亞，曰高加索，曰中亞細亞。面積之大，世所罕匹。其民族種類亦隨地域而殷繁。最著者爲盤據歐洲東部之波蘭人，波海米亞 (Bohemia) 人，巴爾加里亞 (Bulgaria) 人及俄羅斯人，皆斯拉夫族也。

俄羅斯之立國 西曆八六二年，諾曼（Norman）族之一支曰羅斯（Rous）者侵入俄羅斯。其首領曰露列克（Rurik），征服斯拉夫族，奠都諾弗哥羅（Novogorod），稱露列克朝。自是獨攬治權，繼繼繩繩，君位世襲。斯干狄納維亞之國家特性，亦即傳播東漸。是爲俄羅斯國之發端。

希臘教之傳入 俄羅斯國基既定，露列克之繼者遂大擴其領土，以抵於得尼普爾（Dniپر）河上之基輔（Kiev）城境。十世紀末，最初以基督教徒而攬國權之鄔蘭田滿（Vladimir）出世。在彼之前固有王后阿爾加（Queen Olga），曾親臨君士坦丁，受洗禮而信基督教；歷史上稱爲俄羅斯基督教之先鋒焉。鄔蘭田滿奉希臘派之基督教（即東正教）爲俄羅斯國教。歷代信仰，已及千年。凡信仰相同之小斯拉夫國家受回教徒壓迫時，俄羅斯恆力助之。足徵其宗教思想之深刻矣。

蒙古人入侵 此後二百年中內亂不絕。露列克子孫常因遺產分配問題而引起無窮之爭端。基輔遭燹，諾弗哥羅遇饑饉；而難猶未已，一二四四年突有蒙古人（即韃靼人）成

吉思汗自東來犯之舉。(1162—1227)既征服中國之北部及中亞細亞，其子孫遂西向侵入俄羅斯。風馳電發，所向無前。除諾弗哥羅城屬都府同盟 (Hauseatic League) 以商業發達自選君主外，其餘俄羅斯王公無不望風臣服，供給軍需，輸納重稅，助蒙古人征戰。於是國事多遠仰蒙古人之鼻息。

伊凡大王 蒙古人對於俄羅斯諸王，獨寵莫斯科 (Moscow) 之王子。故其威勢出於其他屬國之上。至十五世紀當伊凡第三 (Ivan III) (即伊凡大王 Ivan The Great) 在位時，蒙古勢已漸衰。莫斯科諸王遂有殺死蒙古使臣之舉，而翩然脫去蒙古之羈絆。至一四八〇年乃不復入貢，決然獨立。但黑海北岸之疆土，入於土耳其人手中。而俄人已失其停泊船隻之口岸，故此後與土耳其人常發生衝突。此時蒙古人雖失勢，然侵俄野心仍未或已，廣續擾攘，將近百年，俄人視為心腹大患。

俄帝國之建設 嗣後俄國王公日漸強大。一切權限亦漸入其掌握。伊凡鑒於東羅馬帝國之衰頹，乃篡取其雙頭鷹之徽幟為俄羅斯國章。一四七二年復娶東羅馬皇帝君士坦

丁之姪女名佐伊葩梨樂格 (Zoe Polsoologus) 者爲后。且自稱爲東羅馬帝國之繼承者，野心勃勃，弗能自羈。乃北服古昔以貿易爲生之北族諾弗哥羅共和國。遂立近世俄羅斯帝國之基，而能與波羅的海諸國作正式之交通矣。

可畏的伊凡 伊凡之孫伊凡第四於一五四七年卽位。雖有偉大能力而殘酷無倫。自稱皇帝曰『沙』(Czar)，以壯其威信，世人稱之曰『可畏的伊凡』(Ivan The Terrible, 1573-1584) 彼武力雄厚，喜事侵略。兼併城池州郡，不可勝紀。疆宇拓大。南抵裏海之阿斯達拉干 (Astrakhan)，北抵白河及西伯利亞。伊凡更銳意興商，竭力提倡。一時英俄交易，頗稱發達。及伊凡歿，其所遺之帝國非特領域廣闊，且兵強國富，禦敵有餘，迥非昔日可比矣。

羅曼諾夫朝 伊凡第四既歿，國內大亂。波蘭人乘虛侵入。一六一三年，貴族米開爾羅曼諾夫 (Michael Romanoff) 擊退波蘭，削平內亂，乃卽位，爲羅曼諾夫朝。有哥薩克 (Cossacks) 人者，向爲極富冒險性之強徒，居俄境南部及波蘭地方。共有二支，皆屬俄羅斯及波蘭統治。屢戰蒙古人及土耳其人，功績甚著。惟以波蘭人待之甚苛，故承認俄羅斯爲惟一宗

主國。因而俄羅斯版圖又爲一展。

中俄交涉 米開爾歿，亞列西斯 (Alexis, 1645—1676) 繼位。一六四六年侵佔黑龍

江左岸，旋築要塞於雅克薩 (Alkazin)，爲俄軍根據地。一六五三年侵入什爾喀河流域。清兵擊之，遂發生中俄交涉。一六六七年與波蘭締結條約，割據基輔 (Kyiv) 斯摩稜斯克 (Smolensk) 及東部烏克蘭，并以得尼普爾河爲俄波之分界。

第二節 彼得大帝

彼得大帝 亞歷西斯再傳至彼得大帝 (Peter The Great, 1682—1725)。彼得自幼聰穎過人，性喜船務及機械。一六九七年嘗親赴歐洲西部，歷遊德英及荷蘭等國；專事考察其工藝、軍務、文學及美術。所經之地必聘請專門人才，攜之回國，以備改革國政。其時國內之貴族及教士，對彼得提倡之新思想，頗持異議。甚有謂彼得乃一反對基督之人者。故與禁衛軍合謀叛亂。事洩，彼得於一六九八年遊興正濃之際，急馳返國，捕殺首犯。亂遂平，國祚得以

無恙。

銳意變政 彼得在位始終以改革爲事。首以新法改組其政府及軍隊。繼則灌輸西方之文明。莫斯科維帝國 (The Empire of Muscovy) 所有韃靼民族之遺風，盡行除去；而改用法德二國之習慣風俗。彼得令臣民雍去東方式之鬚，改著西服。男女社交，務使公開。一破昔日男女隔絕之風。時俄人多信仰希臘教 (Orthodox)。彼得深恐此輩教士有反對改革之行爲，故規定傳教師必須先得欽派人員之審查認可，方可執行職務；以是皇帝之權力，遂更擴大。

外交方略 上述各事，不過彼得對於俄國內政革新計劃之一部。其向外發展之外交政策，固亦極值注目者也。彼得一面銳意墾殖西伯利亞；一面擬南於黑海，西於波羅的海，獲得良港，爲海軍根據地，以發揚國威。爲實行此項政策，一六九五年及一六九六年，兩次侵入土耳其，奪得阿速夫海 (Azov) 附近之地。但因土耳其扼守他大尼里峽 (Dardanelles Strait) 不能作有效之軍港。欲得波羅的海之地，又礙於瑞典之威權。其時瑞典代有名君兵

力雄厚。鄰國皆畏之。一六九七年查理十二 (Charles XII) 卽位，年僅十五歲。各國視其年幼可欺，羣思一逞。丹麥波蘭相繼開釁，欲侵瑞典之領土。彼得雖亦有此野心，但因是時正與土耳其交戰，故於一七〇〇年七月休戰以前，佯言親善。迨於八月十八日開得俄土條約成立後，次日便與瑞典正式宣戰。不意查理用兵神奇，轉瞬之間，攻克哥本哈根 (Copenhagen)。丹麥不得已而乞和，訂條約于達刺凡大 (Travendal)。旋即東向俄羅斯，以少數軍隊破數萬之衆；大有撼山易，撼瑞典軍難之勢。惜兵勝則驕，查理以爲俄羅斯隨時可得，乃不復注意，而轉向波蘭。彼得則發奮練兵，仍事征略。卒於一七〇九年戰勝瑞典於波耳多瓦 (Pultowa)。

俄瑞條約 一七二一年，瑞典與俄羅斯締結尼斯塔條約 (Treaty of Nystad)。俄羅

斯因之得里窩尼亞 (Livonia)，愛沙尼亞 (Esthonia) 全部，及芬蘭一部。於是領有波羅的海東南岸一帶地方。至於黑海方面，其始雖得阿刺夫，然不久復失；故彼得之志，終未得逞。

聖彼得堡 彼得鑒於舊都莫斯科 (Moscow) 爲舊黨之中心，一切窳敗風習，不易驟改，乃擇於尼瓦河 (Neva) 畔濕地，另建新都，曰聖彼得堡 (St. Petersburg)。新都告成，又

事建築，百物羅列，應有盡有。自此俄羅斯遂代瑞典稱雄於波羅的海而列於歐洲強國之林矣。

第三節 彼得死後之政治

女帝富朝 彼得死後三十年間，俄羅斯之君主多懦弱無能。一切改造事業，盡行停止。叛亂時興，革命恆起。首繼帝位者爲彼得之寡妻喀德鄰第一（Catherine I）；學識毫無，致國內紊亂，紛爭迭起。再傳至伊利薩伯（Elizabeth），重外交，得芬蘭南部，并參與歐洲各國反對普魯士王大腓特烈（Frederick The Great）之戰爭。死後由其姪繼位，與普修好。是爲彼得第三（Peter III）在位僅六月，與其后不睦，后恨之，乃陰促禁衛軍叛，遂自立爲女帝。即喀德鄰第二（Catherine II, 1762—1796）。帝本德國產。一七四三年出嫁時僅十四歲。既入俄羅斯，遂改奉希臘教焉。在位共三十四年，爲人雖放蕩詭譎，然勤於政事，且知人善任。故國基穩固，得承彼得大帝之志，盡量輸入歐洲文化。

喀德鄰第二 **喀德鄰第二**對十八世紀之文學及科學的進步，頗富興趣，并決欲提高俄羅斯之文化，以示不弱。彼極欽慕當日之哲學家及改革家。嘗與福耳丹耳（Voltaire）及其他者宿遙信，討論其改革之計劃。當百科全書之作者狄德羅（Diderot）貧困時，彼曾助以資斧，并邀居宮中，以示崇敬。但女帝對於佃奴制度獨無改革，反禁止佃奴向政府訴苦。因之佃奴景况較前益困，而人數亦愈增。旋又將教會及寺院之資產收爲國有。於是教士亦須仰賴皇恩以圖存。君威浩大，從此無不頂戴尊從矣。

俄土戰爭 其時波蘭及土耳其其內亂頻仍，無時或已。喀德鄰乘機干涉波蘭內政，國益危。土耳其其大驚，遂於一七六八年向俄宣戰。女帝先以重兵鎮壓波蘭，分水陸兩道，進攻土耳其。重佔彼得大帝時代得而復失之阿刺夫，更進佔摩魯達維亞（Moldavia），窩雷啓亞（Wallachia），及不加勒斯多（Bucharest）。海軍則由波羅的海出地中海。一七七〇年，大破土耳其其艦隊。一七七四年七月，俄獲全勝。割據要地，并迫土耳其承認克里米獨立。一七八三年，女帝吞併克里米爲俄土，築礮臺於海濱，以資防護。土憤與戰，復敗，一七九二年與俄議

和，承認克里米及得尼普爾河畔之地歸俄有。

瓜分波蘭

雖在俄土交戰之際，喀德鄰固未嘗忘懷於波蘭。一七七六年乘波蘭衰頹，合德，奧兩國實行波蘭第一次分割。俄得都納（Duna），及得尼普爾兩河以東之地。德，奧亦各分潤不少。因之波蘭只餘舊有領土四分之一。一七九三年俄，德，奧實行波蘭第二次分割。俄得波蘭東部服爾欣尼亞（Volhynia）及立陶宛（Lithuania）東部。女帝乘波蘭衰弱，更強迫承認所提之條件：（一）俄軍得自由出入波蘭；（二）將來若有戰爭俄為波蘭軍隊之指揮；（三）嗣後波蘭與外國締結條約時，須先經俄許可。一七九五年為波蘭第三次分割。俄得立陶宛西部及庫爾蘭（Courland）地方。俄羅斯大帝國因以完成，而波蘭帝國則與世界歷史暫告離別矣。